

Sier Antonio Valier, fo consier, <i>quondam</i> sier Otaviam	283.1225.437.1079
— Sier Nicolò Michiel, dottor et cavalier, l'avogador di comuni . . .	895. 975. 433
Sier Polo Barbo, fo podestà a Padoa, <i>quondam</i> sier Andrea . . .	597. 577. 938
Sier Antonio Trum, fo consier, <i>quondam</i> sier Stai	352. 429.1078
Sier Jacomo Liom, fo capetanio a Verona, <i>quondam</i> sier Andrea, provedador	294. 259.1249
Sier Beneto da cha' da Pexaro, fo consier, <i>quondam</i> sier Piero . . .	335. 392.1128
— Sier Lucha Zen, fo capetanio a Padoa, <i>quondam</i> sier Mareo, el cavalier	604. 781. 731
Sier Marco Bollani, fo podestà a Padoa, <i>quondam</i> sier Bernardo . . .	410. 407.
Sier Marchiò Trivixam, capetanio zeneral di mar, <i>quondam</i> sier Pollo	472. 548. 958
Sier Andrea Cabriel, fo ducha di Crete, <i>quondam</i> sier Beneto . . .	531.
— Sier Marin di Garzoni, fo podestà a Padoa, <i>quondam</i> sier Francesco	765. 745.765. 745
Sier Domenego Marin, fo capetanio a Padoa, <i>quondam</i> sier Carlo . . .	519. 519.
— Sier Marin Venier, fo podestà a Padoa, <i>quondam</i> sier Alvise, procurator	745. 687.745. 687
Sier Constantim di Prioli, fo savio dil conseio, <i>quondam</i> sier Zuan, provedador	383. 383.
Non. Sier Francesco Marzello, fo consier, <i>quondam</i> sier Christofolo

1416. *Rebalotadi.*

Sier Lucha Zen, fo capetanio a Padoa, <i>quondam</i> sier Marco, el cavalier. . .	433.993
Sier Marin di Garzoni, fo podestà a Padoa, <i>quondam</i> sier Francesco . . .	625.798
Sier Marin Venier, fo podestà a Padoa, <i>quondam</i> sier Alvise, provedador . .	580.846
† Sier Nicolò Michiel, dottor, cavalier, l'avogador di comun	912.515

A dì 15 zugno. Fo San Vido. Fu fato la precesion, secondo il consueto. Il principe andò per terra a San Vido, dove fu fato il ponte su galie vechie. Portò la spada sier Hironimo Bembo, va capetanio a Bergamo, suo compagno sier Vicivera Zorzi. Et tornati a casa, el principe *de more* fè pranso a li zenthilomeni; et colegio se ridusse in questo mezo a lezer le letere.

Di Ferrara, di sier Hironimo Donado, dottor, vicedomino, di 13. Come fiorentini li dispiace, le zente francese vadi a campo a Pisa; et li a Pisa par sia stato uno araldo dil re, a dirli si dagi a' fiorentini. Li hanno risposto non volersi dar, ma ben levar le insegne di Franza. *Item*, luchesi tirano fuori l'artiliarie di Pietra Santa e Motroné, e si divulga a la fin si darano a Franza, e si dice Siena farà quel medemo. *Item*, el signor Zuam Francesco da la Mirandola è venuto a Ferrara per danari, e far el signor prometi, per nome dil signor Gilberto da Carpi, per lo acordo fato col re; et Mantoa sta mal. *Item*, il conte Ranuzo da Marzano è stà casso da' fiorentini.

Dil capetanio zeneral da mar, date in galia, a Corfù, a d' do. Dil zonzer di tre nave armate qui de li, zoè quella de sier Marco Zustignan; l'altro, patron Tomà Duodo, di Malipieri; et la 3.^a, patron Marco Remer. *Item*, l'ha mandà il capetanio di le galie grosse in Canal de Viscardo, et li scrive è mal vadi al Paxu, et li ha risposto. *Item*, à mandà sier Hironimo Contarini, provedador di l'armada, a Napoli di Romania, con la galia di sier Alvise da Canal, et sier Anzolo Orio, et li a Napoli sono la galia di sier Nicolò Taiapiera, e la Marzella; *etiam* mandoe con le altre la galia di Monopoli; dimanda danari, e si fazi provisiom; et dice harà cuor e darà dentro l'armada nimicha, ancora non habbi forze; manda alcune deposition, e una letera dil provedador dil Zante, di 29. *Item*, à posto, esso zeneral, soracomito su la galia di Arbe, perchè Zuan Farina soracomito è amallato, Alexandro di Gotti, corfuato, e à posto